

انا الرحال



قالت هاحن للماضي

اتاري القلب كان فاضي

نظرة عين بتنده لي

تعاتبني علي بعادي

ولما نبشت ف الماضي

لقيتها حد مستغرب

كانه بعيد ومتغرب

وقفت انادي علي بابه

لمحت النظرة ف عيونه

عبرت بحلمي جواهرم

قلت اشوف انا صورتني

لقيت ملامحي بهتانه

مشاعر عايشة واجعانا

بتتمني ساعات الموت

خرجت بسرعه اسالها

مشاعرك ايه اللي وصلها

للحظة موت وانا عايش

دموعها تروي ميت فدان

سكوت بيحطم الوجدان

ومازال السؤال محتار

وهامسك ليه ف ليل جبار

كاني باكلم التمثال



يا عاشقه النظرة من عيني

تعالى ونزلى الأحمال

اشيل الهم من قلبك

واكون قبلك انا الحمال

يا اما ارحل واكون رحال